

SARS E TŠEA KGATO E KGOLO YA GO AGA TAOLELO YA SEBJALEBJALE YA LETSENO

PRETORIA, Mokibelo 1 Feberware 2020 – Ba Ditirelo tša Motšhelo tša Afrika Borwa (SARS) ba leetong la go nagona ka bokamoso bja taolelo ya letseno fao mošomo wa bona o tlo dirišwago ka khuetšo ya tirišo ya data, go ithuta ka bo bona ka dikhomputara, bohlale bja etšišo le tlemano ya kgokagano ya batho le didirišwa tša maano. Sehlophatšhomo sa SARS se tlo maatlafatšwa ka botlalo go šoma botse lefaseng la go diphetogo tša go thakgatša le diphetogo mošomong.

Khomišinare Kieswetter o gatelletše gore: “Re ka se kgone go hlokomologa maatla a data le theknolotši go kgontšhagalo ya setheo, le kamano yeo e tla bago le yona lefaseng la mošomo. Re ka e beakanya ka temogo le go laolela ka tiragatšo le kamano magareng ga maitekelo a motho le bohlale bja etšišo. Lehono re tšea kgato ya temogo go lebiša go kago e botse ya SARS ya sebjalebja, ka bohlale bja go se sodiše, ke gore bja go tshephagala gape bja go kgalhiša.”

Bokamoso bja SARS bo swanetše go fetolela go tikologo ye mpsha mola bo phethagatša Morero wa Godimo wa setheo wa go kgontšha Mmušo go aga maemo a mabotse a go direla MaAfrika Borwa ka moka.

Ge e sale a thoma go šomela SARS ka Mei ngwagola, Khomišinare Edward Kieswetter o tlogile a gatellela kgafetšakgafetša tlhokego ya go thekga bokgoni bja theknolotši bja setheo lego hwetša tsebo go data, bakeng sa ‘kgopologape ya bokamoso bja SARS’.

Khomišinare o bile le lesolo la poledišano e tseeneletšego le bašomi yeo e hlalositšego leswa maano a tebo ya SARS. Se se bakile hlokego ya maemo a godimo a khiro ya ka gare le ka ntle go goketša baprofešenale ba ditالente le dikhuduthamaga go dira gore SARS e šome ka potlako mabapi le data e kgolo le bohlale bja etšišo go tikologo ya motšhelo le khostom.

Tebo ya maano a SARS e akaretša, magareng ga tše dingwe, go fana ka hlaloso le tiišetšo ya boikgafo bja motšhelo, go nolofaletša balefela motšhelo le bagwebi gore ba kgone go obamela, go fokisa bao ba sa obamelego le go ba thatafaletša gape go ba lefiša. Setheo gape se mo tshpetšong ya go mpshafatša mekgwatšhomo ya yona go fana ka ditirelo tša titšitale le tatelano ya inthanete le go agaleswa tshepo go setšhaba le boitshepo ka go taolelo ya motšhelo le khostom.

Ka lebaka leo, SARS e bapaditše dikgoba tša maano go tanya bao ba nago le talente le dikhuduthamaga tša maikemišetšo go tlatša dikgoba tša *Chief Data Scientist, Chief Technology Innovation Officer, Chief Financial Officer, Chief Procurement Officer, Director Business Segment: Large & International Taxpayers (formerly Large Business Centre), Director Individual Segment: Wealthy & Complex Taxpayers*, le Balaodi ba selete ba senyane ga mmogo le *Director: Taxpayer Engagement*, go bolela ka tše mmalwa.

SARS e ikemišeditše kgolo le tšwetšopele ya bašomedi ba yona ba ka gare ka go thwala dikgoba tše dingwe go tšwa ka gare, eupša Khomišinare gape o nyaka go diriša sebaka se go fihlelela “mohlodi wa tsebo” ka mabokgoni a bokamoso le dikakanyo tše dingwe tše diswa.

“Tshpetšo ye ya khiro e tla tiišetša boikgafo bja SARS go lenaneothero la diphetogo go naga ya rena le tšwetšopele ya mešomo le pharologano mošomong,” Khomišinare wa SARS o laodišitše.

Kieswetter o tlaleditše ka gore “Re ka se no bolela fela ka ga Tikološo ya Bone ya Intaseri./ *Fourth Industrial Revolution*. Ke maikarabelo a rena, gomme re swanetše go šoma ka thata go bontšha bokgoni bja rena ka go aga setheo sa bohlale seo se ka fanago ka tirelo ya maemo a godimo a lefase go balefela motšhelo bao ba obamelago, eupša re phodise bao ba sa obamelego le go ba lefiša gammogo le go ba thatafaletša”.

“Ponelopele ya rena ya 2024 ke go aga SARS ya sebjalebja, ka bohlale bja go tšwapele, ya go tshephiwa ke mmušo, setšhaba le badirišani ba rena ba ditšhabatšhaba.

Bao ba nago le kgaltheho ya go dira dikgopelo tša dikgoba tše tša maemo a godimo ba swanetše go etela *SARS recruitment portal* go www.sars.gov.za gomme ba kgotle [Careers](#) go letlakala la gae ka go la ngele mo fase. Kgotla [Join Us](#).